



21299 *kal.komo*

III

Mag. St. Dr.

P

*Panisi Stanisłai Venceslai: Crux purpurea
in virtute et sapientia laureata.*

PANEG. et VITAE

Polon. Fol.

Nº 1077.

C

I

La
C

CRUX PURPUREA

in Virtute & Sapientia,

ILLVSTRIS & ADMODVM REVERENDI DOMINI,

D. M. J A C O B I
R A D L I N S K I,

*In Alma Universitate Cracoviensi Philosophiæ Doctoris, in S. Ordine
Canonicorum Regularium, Custodum Sanctissimi Hierosolymitani Se-
pulchri CHRISTI Dñi, Actualis ejusdem Philosophiæ Professoris,
S. Tb: Licentiati, supra dicti Ordinis Canonici Regularis,*

L A U R E A T A.

Et dùm idem

ILLVSTRIS & ADMODVM REVERENDVS D.

in Alma Universitate Cracoviensi,

PER

PERILLVSTREM & REVERENDISSIMVM DOMINVM,

D. M. B A S I L I U M
P L A S C Z E W S K I,

*S. Theol. Doct. & Professore, Collegij Majoris Seniorẽ Patrem,
Eccles. Cathedralis Cracov. Canonicum, Collegiatæ SS. Omnium
Præpositum, Parochialis in Naŝiechowice Curatum, Ordinariũ,
Librorũ per Dioecesim Cracov: Censorem, Contubernij
Geloniani Proviforem, S. R. M. Secretarium.*

In florentissima Nobilissimorum Hospitum Corona,

In Lectorio CC. DD. Theologorum,

Sacræ Theologiæ DOCTOR, ritu solenni crearetur,

officiosa pennâ

A

M. STANISLAO VENCESLAO PANISIO,

in Alma Universitate Cracov. Philos. Doct. & Professore, Collega Minore,

A D O R A T A.

Anno quo æterna Sapientia Laureâ humanâ effloruit 1718. Die 20. Mensis Octobris.



In Arma S. Ordinis Canonorum
Regularium Sⁿⁱ Sepulchri Hierosolymitani
CHRISTI DOMINI,
Conventus Miechoviensis.



Arma Sacri, Christi Custodum, Sancta, Sepulchri,
Crux est, purpureo sanguine tota rubens:
Quodve Caput certat sub signo fortiùs isto,
Fas ut purpureus præmiet illud honos.



C R U X L A U R E A T A.

Triumphale Crucis Christi labarum,

Divini Sangvinis purpurâ tinctum,
ut omnem Cælis terrisq; haberet honorem,
laureatum esse voluit.

Arbor hæc est Scientiæ Laureatæ,
Laureæ itaq; est capacissima.

Certavit Crux pro Doctorali Lauru,
cùm Verbum Divinum in se portavit.
Inanimatam nemo potest dicere Crucem,
hanc æterna animavit Sapientia.

Spiritum suum illi inspiravit, cùm in ea expiravit.
Spiraculum Sapientiæ, & vitæ dici debet,
in qua Sapientia & Vita æterna pependit.

Christus in ea Erebum vicit,
hinc eam victrici Lauru coronavit.

*Crux erat Cathedra Christi docentis & morientis,
laureatus mundi Magister,
laureatam esse voluit, quam incoluit.*

Reges Coronas, Principes Mitras, Præsules Tyaras,
Sacrae Crucis Arbori appendunt;
cur virides Laurus Doctores non appendant?
ut Laureatam efficiant?

Meruit ex omni fonte coronari hæc Arbor,
quæ fontem omnis felicitatis germinavit.
Omnis de Crucis Divinæ Arbore, prominet honos.
Testare Polona Hierosolyma,
Sacer Canonorum Regularium, Custodum SSmi
Hierosolymitani Sepulchri in Convētu Miechov:
Ordo amplissime

*Crux Tua gemina Purpurea, quam in pio pectore gestas,
cuncta honorum insignia tenet.*

Crucem Viri Tui ingenio & pietate graves,
& monilibus Stemmatur Aureis, & Laureis exornare.
Quantum rubenti, Ordinis Sacri hujus, Cruci
addidit decus?

STANISLAUS STOICONIS,
Decretorum Doctor, in Conventu Miechoviensi Professor;
Duodecimus Ordine Miechoviæ Præpositus,
ast meritò meritis primus.

Generale Virtutis & Sapientiæ Compendium,
dignitatem Generalatûs Præpositis Successoribus relinquens.
Cælorum beneficio, Sacræ huic Familiæ incorporatus,
eidem multa Beneficia (*S. HEDVIGIS in ponte Regio ad Cracoviam,
Prævorsensis Conventûs, & Wrocivensis Parochiæ*) incorporavit.

Gentilitiam Domûs Suæ Sagittam,
benè purpureæ Cruci infixit
LEONARDUS SŁONCZEWSKI,
*in Archicænobio Miechoviensi PROFESSUS,
inter Custodes Sepulchri Domini Argus oculatissimus.*

Dignus non una Corona;
non uno in Cathedra Cracoviensi lustro laborans,
Prædicator egregius Ordinarius.

Infulâ Camenecensi exornatus,
Majoribus dignus Tyaris, ob magna merita.
Non ipso tantum nomine gratias spiravit.

J O A N N E S D Z I A N O T T Y,

in Celeberrima Canonica Miechoviensi PROFESSUS,

Divæ Themidis oraculum,

PROTONOTARIUS APOSTOLICUS,

non unum in Ecclesia dignitatis gradum conscendit,

non uno Virtutis contentus genere.

Ex Præposito & Canonico Metropolitano Gnesnēsi,

Fessensis Episcopus,

& Suffraganeus Kijoviensis factus.

Quale ad Insulas debeat esse Iter, exemplo docuit.

Gentilitijs Cornibus, quasi vocalibus tubis,

fama nomen tuum canet,

S I M O N T H U R S K I,

Nobilissima Rogalorum Stirpe oriunde,

in Archicænobio Miechoviensi Professe.

Tu Custos Thesauri Regij in Arce Cracoviensi,

Regibus & Regno fidelitatem,

ad S. HEDVIGIM Præpositus, mox & Generalis creatus,

DEO & Ordini Tuo gloriam servasti.

Quot Officia gessisti, tot Virtutis Tuæ vestigia reliquisti.

Quò laudis celebrandus es cothurno!

Celsissime olim & Illustrissime Domine,

D. MATTHIA LUBIENSKI,

Archiepiscopo Gnesnensis, Regni Poloniæ Primas

& Prime P R I N C E P S.

Sacræ castissima gemma Minervæ,

de hoc Conventûs Miechoviensis gazophylacio,

in publicam honoris prodijsti lucem.

Phænix Sarmatici Senatûs,

ex hoc fragranti virtutum odore, S. Religionis evolasti nidulo.

Caput Tuum,

non acuto tantum gladio, sed & acumine mentis armatum,

post emissa Solennia Professionis in Conventu Miechoviensi vota.

Liliata Columna
NICOLAUS OBORSKI,

Episcopus Laodicensis, Suffraganeus Cracoviensis,
primâ Præposituræ Miechoviensis vittâ coronavit,
ut altioribus Tyaris viam ad Te adaperiret.

Felix Infula Præposituræ Miechoviensis,
quæ in emeritam frontem,
tot decora, quia tot Tyaras, Chelmensem,
Posnaniensem, tandem Primatiam Gnesnensem, introduxit.

Petra Ecclesiæ, Religionis gemma,
Illustrissimus & Reverendissimus Dominus,
D. PETRUS *à Pilca* **KORYCINSKI,**

ut trophæa victrici Crucis S. erigeret arbori,
Gentilitiam in obsequium DEO consecravit Asciam.

Prius in eodem Amplissimo Conventu Professus,
antequam Generalis sui Ordinis PRÆPOSITVS.

Quid fecerit? sæcula loquentur.

Privilegiorum Ordinis & Conventus per eum Romæ
impetrata Confirmatio,

ab Innocentio XI. Summo Pontifice,
Romanum pro eo egit Tullium.

Hortensius hic ore, etiam munus Cyllenij obijt.

Ad Serenissimum Regem Poloniarum
MICHAELEM KORYBUTH,

Secundus & facundus Legatus.

Satis gratus Regiæ Majestati, quia & manibus disertus.

A summa in terris Potestate:

Regi gladium benedictum, Reginæ Rosam auream offerens,
Ipse gladius pro Ecclesia, nam Jurium ejus Defensor.

Flos Regni purpureus,

Purpurâ à Summo Pontifice donatus,

quot

quot literas scripsit, tot meruit elogia,
S A M U E L N A K I E L S K I,

S. Theologiæ Doctor, ad S. HEDVIGIM Præpositus.

Eruditâ suâ pennâ
etiam de cineribus suis, ut Phænix in altum honoris evolat
eruditus Ordinis sui Historiographus.

Frontem eruditam,

quam omnibus literis, in Jageloneo Athæneo excoluit,
& laureis exornavit.

à Sapiencia Romana

Suprema in S. Theologia Lauri coronatam recepit.

Hic jam hæret penna,

per sexcenta Annorum spatia

Viros celeberrimi Conventûs Miechoviensis, nobilitate generis graves,
Virtute & Sapienciâ illustres,

in hanc arctam colligere pagellam intendens.

Secula futura nunquam sufficienter deprædicabunt

Canonicos in Conventu Miechoviensi,

quos tot secula in Ornamentum Ordinis Sacri genuere.

Religionem hanc Sacram in Cruce,

& Crucem in Religione venerari religio ipsa jubet.

Primo digna cultu, Augusta D. AVGVSTINI Propago,

ab ipso Apostolo Christi S. JACOBO minore,

Hierosolymitano Antistite,

primam suam Originem trahens.

Canonicorum insignita nomine,

Canonum Ecclesiasticorum semper observantissima.

Purpuream; illamq; geminatam gerit in pectore Crucem,
qualem antiquissimè Hierosolymis invenit, talem visendam præsentat.

Qualis thesaurus in corde!

cùm tam pretiosum signaculum.

Renuant alij lacertos gravi supponere Cruci;

Custodes hi etiam cor ipsi supponunt.

Fugite partes ab illis adversæ,

B.

Ecce

Ecce Crucem Domini semper portant.

Ordo hic antiquissimus

Custodū SS̃mi Sepulchri Christi Hierosolymitani titulō decoratur.

Nomen nunc retinet; cū Officium Odrysia extinxerit Luna.

*Memor sui tamen muneris, in ipso nomine servato,
licet exequi munus sit arduum.*

Cū mundus unam servabit fidem,

Custodes hi Officium servabunt suum.

Corde & animo Officium implent, quod opere nunc implere nequeunt.

Discat Orbis!

*in ipso Ortu, Religionis hujus meridiem;
nam immensam amplitudinem.*

In ipsis primordijs Ordinis hujus,

*bis mille & Octuaginta Octo Religiosa claustra,
in Fidei & Crucis S. defensionem bene munita castra
numerabantur.*

In parvo tunc Christianorum numero,

quantus ad Bellum pro Domo DEI exercitus!

Exara penna vel in ipso Sepulchrali Christi lapide!

Religionis istius Majestatem.

*Antequam bellua Othomanica Sacram occupaverat terram,
de cetū hoc pientissimo,*

Hierosolymitani continuū eligebantur PATRIARCHÆ.

Quā amplissimi!

ut ex pollice gigantem, vel ex umbra magnitudinem Colossi metiris,

ita ex subjectis Patriarchali dignitati Ecclesijs,

metire amplitudinem honoris Patriarchalis,

& Canoniorum SS̃mi Sepulchri, hac dignitate illustrium,

& habentium jus eligendi Patriarchas Hierosolymitanos.

Quatuor Metropolitanæ, id est Archiepiscopales;

Nonaginta Episcopales dignitates,

illorum semper regimini suberant.

Vt verò securiores essent Tyaræ Pontificiæ

Custodibus Sepulchri Christi custodiendæ offerebantur.

Hierosolymis Fide Orthodoxa florentibus,

Quis Patriarcha? Archiepiscopus, Episcopus, primæ Ecclesiæ Prælatus,

si

si non sacer de cætu Custodum Canonicus.

Numeras prius in Cælo stellas si potes,

*& Honorios, nimirum Patriarchas, Archiepiscopos, Episcopos, aliosq;
Prelatos istius Religionis Sacre numerabis.*

Placeat maiora revolvere.

Vniversalem Ecclesiam Christi, hi rexere Canonici
in Urbano IV. Pontifice Maximo.

Ille

Religionis istius primo Professus & Canonicus,
mox Hierosolymitanus Patriarcha, demum Christi Ecclesiæ Caput,
& Divi P E T R I Successor.

Crucem in pectore Religionis istius sitam,
etiam coronati venerabantur Reges.

Mittentes Coronas suas adorabant viventem in secula seculorum,

Baldvinus III. Rex Hierosolymitanus,

aureum de capite suo deposuit diadema,

Ordinis huius Sacri Professus factus.

Crucem, quam victricibus tuebatur armis,

Rubeam, vel suo in bellis tinctam cruore,

in corde devoto, ad ultimam gessit lineam vitæ.

Cælestinus II. Pontifex Maximus,

Ordinem hunc antiquis privilegijs confirmatis, novis institutis,
per totam Hierosolymam in Foundationibus, auxit, propagavit.

Palæstina, Neapolis, Sicilia, & cuncta Catholica Regna,
ut fidem illibatam D E O servarent,

Episcopatus & Ecclesiarum regimen, penes hos Custodes, servabāt.

Nobilissimus & Pientissimus de gente Polona

J A X A,

*non tam Gentilitij sui Gryphis alis, quam ignei percutus pennis amoris,
Solymeos revisit Colles,*

Majestatem, pietatem, Vigilantiam huius Sacre stupet Familie.

Patrios redux ut bearet fines,

MARTINVM Gallum Instituti istius Canonicum,

Lechico inducit Orbi.
 Hæreditaria illius Miechovia,
 ut non Cerere tantum, sed & Sanctis sit opulenta Viris,
 Caput Religionis in MARTINO Custode primo recepit.
 Felix plantator, felix & plantatio.
Cecidit semen bonum in fertilem terram!
ex quo, in Orbem totum tam opulenta in Sanctis Viris messis!
 Quidquid Virorum Religionis istius Sacræ,
 Gallia, Hispania, Anglia, Dacia, Apulia, Germania,
 Bohemia & Hungaria habent,
 totum Archicænobio Miechoviensi, fonti, capiti & cardini debet.
 Sæva barbarorum manus,
 Hierosolymis Captis, & Fidem Orthodoxam, & primum
 Ordinis hujus fontem extinxit.
 Potens dextera DEI!
 Erydanum quendam; nam Viris & Doctis & Sanctis scatentem,
 Conventum Miechoviæ aperuit.
 In novam Hierosolymam transijt,
 Polona Miechovia!
 Nam in Caput sui Ordinis antiquissimi mutata est.
 Prodigium stupendum!
Meridies transijt in Septentrionem,
Fons Ordinis in Meridie Fundatus in Septentrione viget ad stuporem.
 Quod vigeat? extra Paradoxum est.
 Sub vexillo Crucis Divinæ militat iste Ordo,
 à Cælo Coronam, à Pallade Laurum meretur,
 satis dignam, quia Summam.
 Illorum, quotquot fastis revolvere fas est,
 Nemo Tyram, nemo Purpuram accepit,
 priusquam Lauream Doctorem.
 Etiam intra hujus Antiquissimi Conventus Miechoviensis
 penates, ab immemorabili tempore,
 vel laureati semper, vel laureâ digni reperiabantur Doctores.
 Terunt & nunc vestigia Patrum,
 Optimi Virtutis & Sapientiæ Hæredes.

FRAN-

FRANCISCUS RUBISZEWSKI,

Conventus Wagroviensis munificentia Lubieniana erecti,

Præpositus & Custos Generalis Miechoviensis.

Ne feriat Domum hanc Sacram novercantis fulmen fortunæ,

Laureatus hic, in Academo Cracoviensi, Custos præcaver.

Religiosæ Idea vitæ

FRANCISCUS CHODOWICZ,

S. Th: Doctor Præpositus Conventus Przeworscensis, multoties

eximius PROVINCIALIS.

Vt commissus ei Sacræ militiæ populus,

in via Mandatorum DEI rectè ambularet,

sapienti exemplo, & exemplari Sapientia, semper ei præivit.

Dignus ut ab omnibus colatur,

Divini Cultor Maximus Honoris.

Honorarij dignitatum eum ornent Fasces,

qui Sponsam, Przeworscensem Ecclesiam,

Sacello Sepulchri SSm̃i Domini, Altaribus, Sacrà ornavit Cathedrâ,

Conventus illius Fundator alter dicendus.

Purpureo Virtutis progreditur passu,

Nobilissima Magni Sangvinis portio,

Perillustis & Admodum Reverendus Dominus,

D. STANISLAUS STEPkowski,

Ordinis Canonorum Regularium SSm̃i Sepulchri

Hierosolymitani Conventus Miechoviensis aliquoties

Generalis Custos, nunc PROVINCIALIS.

Præpositus Bythomiensis, Curatus Charzoviensis.

Illius,

Totum vulgata per Orbem stant documenta Domus.

Gentilitias ejus Tubas,

Fama inflare non desinet,

ut toto semper in Orbe canatur.

Custos Miechoviensis,

pro DEI Cultu & Religionis Sacræ emolumento;

Argum. centoculum egit.

Bythomienſis & Charzovienſis Paſtor,
quas vigiles non impendit curas!
ut Ovili Chriſti & præſit & proſit.

Hic

Tuas egregias dotes

Illuſtris & Admodum Reverende Domine NEODOCTOR,
vidit, æſtimavit, adamavit.

Adamatâ Tuâ excellentis igenij maturitate,
non alibi, quàm in corde ſuo,
nidum Tibi conceſſit; & quantum valeas?
ſua liberalitate, Orbi monſtravit.

P E T R U M B O R O W I C Z,

S. Th: Doctorem, Præpoſitum nunc ad S. HEDVIGIM,
Petram eſſe, ſuper quam ædificata eſt Domus DEI,
etiam invidiâ teſte, non eſt qui negaverit.

Si Metempſichofiſis admitteretur,

Spiritum in eo crederent permanere,

Perilluſtris olim & Admodum Reverendi Domini,

M. ADALBERTI BOROWICZ,

in Alma Univerſitate Crac: S. Th: Doctoris & Profeſſoris,
Eccleſiæ Collegiate S. FLORIANI Præpoſiti.

Iſtius Doctiſſimi Prædeceſſoris ut vivam in ſe adumbraret effigiem,
Virtute & Doctrinâ allaboravit.

Ore facundus, calamo diſertior,

hoc geſta Regum & Pontificum deſcripſit.

Per terna luſtra Cuſtos Generalis, opere illuſtris.

In viſitanda Provincia,

indefeſſus Atlas, quia laborioſiſſimus multoties PROVINCIALIS.

Ex utroq; Cæſar nuncupari poteſt,

T H O M A S P O D R E B S K I,

S. Th: Doctor, Protonotarius Apoſtolicus, Præpoſitus Lezayſcenſis;
ſubtile illius ingenium.

& S. Scripturæ Arcana & Divæ Themidos ſecreta ſcrutando.

Vi-

Virum in quadro positum ostendit.
Salutarem in Nomine suo pollicetur medelam
M. RAPHAEL GRZYBOWSKI,
utraq; Philosophiæ Lauru in Vniuersitate Cracoviensi
redimitus Professor.

Fontem, quem hausit, coronavit,
Almam Vniuersitatem Crac: laboribus & meritis
amplissimis, condecoravit.

Vidit eum Stoa Academica,
multis Annis Actu docentem Doctorem,
Publicæ Cathedræ
Nodosam Aristotelis Doctrinam enodantem, audivêre.

Tu meta calami es,

Perillustis & Admodum Reverende Domine,

D. M. J A C O B E
R A D L I N S K I,

S. Theologiæ NEODOCTOR Dignissime,
in Te Crucem laureatam penna adorat.

Qui

ut Te non degenerem Filium in S. Religione monstres,
Patrum vestigia secutus,
Caput laureæ Doctorali submittis,
ut altiùs assurgas.

Non datur in literaria Republica altior honor,
quia non datur altior Scientia.

Magna Tua merita,
magnam Tibi hanc paravêre dignitatem.

In honoribus conferendis Justitia distributiva servari debet.
Non deformat frons Tua Laurum Theologicam,
virorem & vigorem ei spondet,

gemmeus sudor, quô frõtem irrigasti.

In vita præcipuè curans,
ut laureis dignus esses Doctoralibus,

Diademate coronaris Theologico.

Tenera juvena Tua, pietate & doctrinâ exculta,
ab omnibus justam laudem capeffit.

Difficile est non laudare, quod ex natura laudem meretur.

Ver ætatis Tuæ autumno mixtum est,
nam & floridi anni, maturitatem morum præseferũt.

In illa vitæ humanæ parte,
quæ prava sæpe amat consortia.,
Tuum fuit cum Apolline & Minerva consortium.

In Archy-Gymnasio, & Generali Regni Schola,

Alma Universitate Cracoviensi,
capacissimam Tuam mentem literis excoluisti.

Sciens perbelle;

*Sicut dulcius in ipso fonte bibuntur aquæ, ita jucundius hauriuntur
Scientiæ, unde in rivulos processere.*

Candorem sinceritatis Academicæ tenes,

Albo Universitatis insertus.

De Cracia Parnassi rupe,

prorumpentibus Hyppoereneis lotus es undis,
ut mundus in mundo immundo appareres.

De Tullianis fontibus hausisti Cracoviæ eloquentiã,
ut Romanæ fidei propagator, in omni exedra,

Romanus dicereris Tullius.

*Vanas mundi spernens generosa mente illecebras,
Christi imitator esse voluisti, quia Crucis cum Christo bajulator.*

Quæ potest esse major dignitas!

etiam Reges deposito paludamento Cruci lacertos supposituères

Majorem rati honorem,
quàm si Purpuras portarent.

Verus

Verus Christi imitator,

Divinum illud executus es præceptum,

Qui vult venire post me, abneget semetipsum & tollat Crucem.

Quantum amaveris Redemptionis signum,
externo voluisti probare in pectore signo.

Sacrae militiae sub vexillo Crucis adscriptus,
indomitum in Te exarasti Alcida,

Lerneæ vitiorum domantem capita.

Verus Regularis Canonicus,

omnia ad mentem Regulæ & Sacrorum Canonum exequens.

Præmisliæ Philosophiam audivisti,
naturalem Philosophum, Præmyslum Principem
imitatus.

Ille ex arboribus, armatos homines fecit,

Tu etiam truncos animas,

dum Philosophus acutissimus alios præceptis instruis.

Præmyslus adversa castra, miro prostravit artificio.

Tu animorum hostem toties artificiosè vincis,
quoties nodosa Philosophæ argumenta, egregius illius Cursor,
limatissima mente resolvis.

Nunquam de Stagiritica arena inglorius recedis,
quia nunquam sine corona & laude eruditorum.

A minori ad majus argumentari bene gnarus,
cum desisti esse Philosophus;
cæpisti esse Theosophus.


In Archicænobio Miechoviensi
specimen publicum Studij Theologici exhibuisti,
publicus Theologicæ Veritatis Defensor.

In hoc domicilio, novas Athenas & Sapientiam
Romanam esse ostendisti.

D

Er-

Ergò,
Crux in Te laureata,
Te ad alta honorum evehat.
Fulmen adversantis fortunæ ne metuas,
JACOBUS es ! nempè filius tonitruui.
Sub lauru virenti securus vivas.
Crucis Sanctæ Insigni cruento,
infaustos prosterne casus.
Ad decus Ordinis Sacri.
Superi in Pylios fervent Annos
Hærentem Capiti multa cum laude Coronam.



C R A C O V I Æ,

Typis Francisci Cezary, S. R. M. Illustrissimi ac Reverendissimi Do-
mini Episcopi Cracoviensis, Ducis Severiæ; necnon Scholarum
Novodvorscianarum Ordinarij Chalcographi.



BIBLIOTH. UNIV.



JAGELLONICAE

Ex lib. J.

Biblioteka Jagiellońska



stdr0030937

